

»» «Бир белбоғ – бир йўл»
халқаро ташаббусига – 10 йил

ИШОНЧ, ХАВФСИЗЛИК, БАРҚАРОРЛИК – БОШ МЕЗОН

Пекин шаҳрида «Бир белбоғ – бир йўл» халқаро лойиҳаси журналистлари учун махсус матбуот сафари ташкил этилди. 11-25 октябрь кунларига белги-ланган, Хитой журналистлар ҳамжамияти томонидан уюштирилган икки ҳафталик тадбир ХХР томонидан илгари сурилган «Бир белбоғ – бир йўл» халқаро ташаббусининг 10 йиллигига бағишланган.



Таъкидлаш жоизки, юртимизда Қозоғистон – Хитой нефть қувири ва Марказий Осиё – Хитой газ қувири уз-луксиз ишламоқда. Мамлакатимиз ҳудудидан ўтувчи асосий магистрал даҳлиз хитойлик ишлаб чиқарувчи-ларнинг Европа, Яқин Шарқ ва Мустақил Давлатлар Ҳамдўстлиги бозорларига тез чиқишини таъминлайди. «Ғарбий Хитой – Ғарбий Европа» автомобиль йўли каби қўшма инфратузилма лойиҳалари «Бир белбоғ – бир йўл» мегалойиҳасининг таянчига айланди.

Тарихда бекиёс аҳамият касб этган, давлатлар ва қиъалар ўртасида савдо-сотиқ алоқаларини кенг йўлга қўйишга хизмат қилган, шунингдек, маданий қадриятлар-нинг ривожланишида муҳим восита вазифасини бажар-ган ва шу тариқа тамаддунлараро мулоқот учун муҳим замин яратган машҳур “Буюк Ипак йўли”нинг замонавий кўринишда қайта тикланиши деб баҳоланаётган “Бир белбоғ – бир йўл” лойиҳаси иқтисодий ҳамкорликни янада кенгайтириш, савдо ва сармоя соҳаларида қўлай шароитлар яратиш, транспорт ва коммуникация инфра-тузилмасини ривожлантириш, қишлоқ хўжалиги, сайёҳ-лик, таълим, маданият каби соҳаларда ҳамкорлик алоқа-ларини мустаҳкамлашда муҳим ўрин тутди.

Анжуманнинг биринчи кўни «Бир белбоғ – бир йўл» журналистлари анжумани ўтди. Йиғилишда қатнашган турли давлатлар медиа мутахассислари мазкур ташаб-бус истикболи хусусида фикр алмашишди. Бугунги дунё-вий ўзгаришлар даврида журналистиканинг муҳим роли эътироф этилиб, минтақалар ҳамкорлигини уйғунлашти-рувчи муҳим ташаббуслар мазмунини кенг жамоатчилик-ка етказиш усуллари таҳлил этилди.

Дастурга мувофиқ, ёш журналистлар учун уюштири-ладиган семинарда дунёнинг турли бурчақларидан таш-риф буюрган мутахассисларга Хитойдаги ОАВ ва алоқа-лар тизимининг ҳозирги ҳолати, ташаббус тараққиёти ва ютуқлари ҳақида атрофлича маълумотлар берилди.

ОЛИМПИА ЎЙИНЛАРИДА СПОРТНИНГ ЯНГИ ТУРЛАРИ

Оғир атлетика 2028 йили Лос-Анжелесда ўтказила-диган Олимпиа ўйинлари дастуридан ўрин олади.

Ушбу қарор Халқаро олимпия қўмитасининг ижроқўми томонидан қабул қилинди.

2021 йилда ХОҚ оғир атлетикани 2028 йилги Олимпиа-да дастурига киритмаганди.

«ХОҚ ижроқўми Халқаро оғир атлетика федерацияси-нинг антидопинг қоидалари борасидаги қароридан сўнг оғир атлетикани Лос-Анжелесдаги Олимпиада дастурига киритишни тавсия қилади», дейилади ХОҚ баёнотида.

Шунингдек, 2028 йилги Олимпиада дастурига янги спорт турлари киритилиши мумкин.

Улар сирасига байроқли футбол, крикет, лакросс, ск-вош ва бейсбол каби спорт турлари қиради.

– Таклиф этилаётган спорт турлари янги маданиятни ривожлантиради ва тарғиб этади. Улар оммага мослаш-тирилган спорт турлари. Улар ҳозир Қўшма Штатлар бўйлаб кўчаларда, мактабларда, жамоат жойларида, ўйингоҳларда ўйналмоқда, – деди Олимпиада ўйинлари ташкилий қўмитаси раҳбари Кейси Вассерман.

Бу таклиф ХОҚнинг Мумбайда ўтказиладиган иж-роқўм йиғилиши давомида кўриб чиқилади.

24.kz.

СПОРТЧИ ОИЛАЛАР ТАҚДИРЛАНДИ

Туркистонда вилоят “Ёшлар имконият маркази” ташкилотчилигида “Шодликка тўла хонадон” танло-ви ўтди. Унда вилоятнинг 17 туман ва шаҳарларидан ёш оилалар иштирок этди.



Тадбирдан кўзланган мақсад – Туркистон вилоятида-ги ёш оилалар ўртасида Республика байрамини муно-сиб нишонлаш, оилавий қадриятларни, соғлом турмуш тарзини кенг тарғиб қилиш эди.

Спорт мусобақаси яқунларига кўра, 1-ўрин Қўлтасов-лар оиласига (Байдибек тумани), 2-ўрин Бейсенбиевлар оиласига (Саврон тумани), 3-ўрин Уринбековлар оила-сига (Байдибек тумани) насиб этди. Биринчи ўринга 500 минг тенге, иккинчи ва учинчи ўрин эгаларига 300 минг ва 200 минг тенге пул мукофоти топширилди.

Вилоят ҳокимининг матбуот хизмати.

Жанубий Қозоғистон

»» Президент

МДХнинг навбатдаги саммити Москвада ўтади

МДХ Давлат раҳбарла-ри кенгашининг навбат-даги саммити 2024 йил 8 октябрь кўни Москва шаҳрида ўтади. Бу ҳақ-да МДХ Давлат думаси кенгашининг Бишкекдаги кенгайтирилган таркиб-даги йиғилишида маълум қилинди.

Учрашувда Озарбайжон Пре-зиденти Илҳом Алиев, Беларусь Президенти Александр Лука-шенко, Қозоғистон Президенти Қасим-Жўмарт Тўқаев, Россия Президенти Владимир Путин, То-жикистон Президенти Эмомали Раҳмон, Туркменистон Прези-денти Сердар Бердимухамедов, Ўзбекистон Президенти Шавкат Мирзиёев иштирок этди.

Россия Президенти Влади-мир Путин 2024 йил 1 январдан бошлаб МДХга раислик Россия Федерациясига ўттишини маълум қилди. Учрашув 2024 йил 8 ок-тябрда Москвада ўтади.

Шунингдек, тадбир давомида МДХ давлатлари раҳбарлари рус тили бўйича халқаро ташкилот тузиш тўғрисидаги ҳужжатни им-золадилар.

Учрашув чоғида Қирғизистон Республикаси Президенти Садир Жапаров Тожикистон Респуб-ликаси Президенти Эмомали Раҳмон билан учрашувда қирғиз-тожик давлат чегарасини дели-митация ва демаркация қилиш масалаларини муҳокама қилди.



Тадбирда маданий-гуманитар ҳамкорлик масаласига алоҳида эътибор қаратилди.

Қасим-Жўмарт Тўқаев МДХга аъзо давлатлар ўртасидаги кўп томонлама ҳамкорликда рус тили алоҳида ўрин туттишини таъкид-лади.

– Жорий йилнинг МДХда Рус тили йили деб эълон қилиниши рамзий маънога эга. Бундан ташқари, бугун биз рус тили би-лан боғлиқ халқаро ташкилот тузиш тўғрисидаги Шартнома

ва Низомни имзолаш юзасидан тарихий қарор қабул қиламиз. Ушбу ташкилот ҳуқуқий шахс сифатида тан олинган мустақил халқаро тузилмага айланади. Янги ташкилот барча мамлакат-лар учун очиқ бўлади. Албатта, бу дунёвий гуманитар ҳамкорлик нуқтаи назаридан жуда дол-лисли йили деб эълон қилиниши рамзий маънога эга. Бундан кенгроқ халқаро миқёсда тарғиб қилиш бўйича кўрилаётган чора-тадбирлар мамлакатларимиз-нинг миллий ўзига хослигини

мустаҳкамлаш жараёнига салбий таъсир кўрсатмаяпти. Қозоғистон қозоқ тилининг давлат тили ма-қомини мустаҳкамлаш сиёсатини давом эттиради, – деди Давлат раҳбари.

Президент Ҳамдўстлик мамла-катлари кўнгиллилар уюшмалари саъй-ҳаракатларини сафарбар этиш муҳимлигига эътибор қа-ратди.

– 2024 йил МДХда Кўнгилли-лар ҳаракати йили, деб эълон қилинди. Бу ташаббусни қўллаб-қувватлаймиз. Қозоғистон 2020 йилни Кўнгиллилар йили сифати-да нишонлади. Уларнинг хайрли ишлари жамиятимизда эзгулик, меҳр-оқибат фазилатлари чуқур илдиз отишига салмоқли ҳисса қўшмоқда. Бундай инсонпар-варлик саъй-ҳаракатларини ҳар томонлама қўллаб-қувватлаш муҳим, – деди Қ. Тўқаев.

Президент ҳар йили Мустақил Давлатлар Ҳамдўстлиги кўнгил-лиларининг анжуманини ўтказиш ва унга МДХнинг доимий форуми мақоми беришни таклиф қилди.

Давлат раҳбари нутқи якуни-да 2024 йилда МДХга раислик қилиш ва навбатдаги саммитни келаси йили Москвада ўтказиш тўғрисидаги қарорни қўллаб-қув-ватлади. Шунингдек, у Қирғизис-тоннинг Ўзбекистон Президенти Шавкат Мирзиёевни МДХнинг “Шон-шараф” медали билан тақ-дирлаш ташаббусини олқишла-ди.

Akorda.kz.

СУДЬЯЛАР КУЧ СИНАШДИ

**ТУРКИСТОНДА ҚОЗОҒИСТОН
РЕСПУБЛИКАСИ СУДЬЯЛАР УЮШМАСИНИНГ
Х СПАРТАКИАДАСИ ЯКУНЛАНДИ**

Қозоғистон Республикаси Президенти Қасим-Жў-март Тўқаев жорий йил 23 мартда Парламентнинг биринчи сессиясида нутқ сўзлаб, оммавий спорт ва соғлом турмуш тарзини ривожлантириш муҳим-лигини таъкидлаб, курсатмалар рўйхатини эълон қилган эди.



Унда оммавий спортни ривож-лантириш бўйича меҳнат жамоа-лари ва минтақалар ўртасида спорт мусобақаларини мунтазам равишда ўтказиш масалаларига алоҳида эътибор қаратилган.

Судья ва суд ходимлари ора-сида соғлом турмуш тарзини тар-

ғиб қилиш ва муҳитни шаклланти-риш мақсадида уюштирилган мусобақанинг ёпилиш маросими-да ҚР Олий суди раиси Асламбек Мерғалиев ва Туркистон вилояти ҳокими Дархан Сатибалди ҳамда бошқа ваколатли идоралар раҳ-барлари иштирок этиб, ғолиб ва

совриндорларни табрикладилар.

Тадбирда мамлакатимиздан 17та жамоа иштирок этиб, спорт-нинг бир қанча турлари – фут-бол, волейбол, арқон тортиш, бильярд, шахмат, теннис ва бош-қа спорт турлари бўйича ўзаро куч синашдилар.

Мусобақа яқунларига кўра ғо-либ жамоалар ва совриндорлар-га диплом, кубок ва қимматбаҳо совғалар топширилди.

Ғолиблар орасида Туркистон вилояти судьялари ҳам бор.

**Вилоят ҳокимининг
матбуот хизмати.**

● Обуна–2024

«ЖАНУБИЙ ҚОЗОҒИСТОН» – ДОНО ДЎСТИНГИЗ, ҲАМКОРИНГИЗ!

Қадрли муштарий!

2024 йилнинг биринчи ярим йилли-гига даврий нашрларга обуна мавсуми бошланди. Мустақиллик билан тенгдош миллат минбари ва овози, фахри санал-миш нашр омма ва давлат ўртасидаги олтин кўприк – доно маслаҳатгўй вази-фасини ҳалол ва виждонан бажармоқда. Ҳамиша шундай бўлиб қолади.

Маънавий жиҳатдан юксалиб, камолот сари интиломоқ истасангиз, кун сайин

вилоят янгиликларидан воқиф бўлмоқни ихтиёр айлаб, оламшумул воқеалардан беҳабар қолмай десангиз, ҳеч иккиланмай суикли «Жанубий Қозоғистон» рўзномаси-га ёзилинг.

Туркистон вилоятининг «Жанубий Қо-зоғистон» ижтимоий-сиёсий газетаси тахририятидаги рақобатбардош, изла-нувчан жамоа доим сизларнинг орзуингиз-даги жиҳатларга эътибор қаратишга, маънавий хизмат кўрсатишга шай.



6 ойга обуна баҳоси:
«Қазпошта» ХЖ орқали –
Туркистон вилояти бўйича – 3415,50 тенге;
Шимкент шаҳри бўйича – 3095,15 тенге.

НАШР КЎРСАТКИЧИ: 55466

Вилоят ҳокимининг матбуот хизмати хабар қилади:

МЕБЕЛСОЗЛИК КЛАСТЕРИ ТАШКИЛ ЭТИЛАДИ



Вилоят ҳокими Дархан Сатибалди вилоятдаги мебел-созлик билан шуғулланаётган тадбиркорлар иштирокида йиғилиш ўтказди. Тадбирда ушбу соҳага мослаштирилган корхоналар вакиллари ҳам иштирок этди.

Минтақа раҳбари Туркистон вилоятдан алоҳида ер ажрати-либ, у ерда саноат парклари

барпо этилиши, тадбиркорлар учун шароитлар яратилишини маълум қилди.

– Мебелсозлик соҳасида вилоятимизнинг салоҳияти юксак. Бугун сизлар билан ушбу соҳа-ни янада ривожлантириш, янги корхона ва фабрикалар очиш масаласини муҳокама қиламиз. Иш уринларини очиш – давр талаби. Шу билан бирга, ша-

ҳар ҳокимлиги, тадбиркорлар ва “Атамекен” тадбиркорлар палатаси ҳамкорликда мебел-созлик кластерини ривожлантириши зарур. Бу давлат томонидан қўллаб-қувватланади. Биз сизнинг таклиф ва муам-моларингизни тинглаб, тегишли қарорлар қабул қиламиз. Дав-лат буюртмалари асосидаги

харидларда маҳаллий ишлаб чиқарувчиларга устуворлик берилади. Бунинг учун соҳа ишбилармонлари бирлашиб, Туркистон брендини яратиш, унинг экспорт салоҳиятини оширишда иштирок этишлари зарур. Махсус парклар ташкил этилади, – деди Д. Сатибалди.

Йиғилишни Туркистон ви-



лоят тадбиркорлар палатаси директори Асилан Ибадуллаев олиб борди. Унга кўра, айни пайтда Туркистон вилоятида мебелсозлик саноати соҳасида 100дан зиёд корхона фаолият юритмоқда. Улар маҳсулот-ларини Россия, Қирғизистон, Ўзбекистон ва Тожикистонга экспорт қилмоқда. Вилоят тад-биркорлари томонидан жорий йилнинг 8 ойда мебелсозлик саноатида ишлаб чиқарилган маҳсулотлар 4,0 млрд. тенгени ташкил этди ва ўтган йилнинг шу даврига нисбатан унинг ҳажми 43,8 фоизга ошди.

“Туркистон” ижтимоий тад-биркорлик корпорацияси бош-қаруви раиси Файзулла Бай-дуллаев Саврон тумани, Чоға қишлоғида барпо этилаётган саноат парклари қурилиши ҳақида маълумот берди. Тад-биркорларга ушбу соҳани ри-вожлантиришда иштирок этиш таклиф қилинди.

Шунингдек, тадбиркорлар-нинг таклиф ва мулоҳазалари




тингланди. Жумладан, Шимкент шаҳридаги “Дом под ключ” корхонаси раҳбари ўринбосари Қуаниш Бекмурат, Туркистон шаҳридаги мебелсозлик корхо-наси раҳбари Қудрат Худойбер-ганов ва бошқа тадбиркорлар соҳадаги долзарб масалалар-га тўхталди.

Яқин келажақда Туркистон шаҳрида мебелсозлик класте-рини ривожлантиришга қара-тилган саноат парклари фао-лиятини бошлайди. У ерда маҳаллий аҳоли иш билан таъ-минланади.

ТУРКИСТОН ТЕАТРИ – РЕСПУБЛИКА ФЕСТИВАЛИ ҒОЛИБИ

Қозоғистон Респу-бликаси Маданият ва ахборот вазирлиги шафелигида Петро-павл шаҳрида атоқ-ли давлат ва жамоат арбоби Темирбек Жургенов таваллудин-нинг 125 йиллигига бағишланган Қозоғис-тон драма театрлари-нинг XXIX республика фестивали ўтди. Уш-бу тадбир Қалибек Қуанишбаев номи-даги давлат акаде-мик қозоқ мусиқа ва драма театри ҳамда Шимолий Қозоғистон вилояти ҳокимлиги томонидан ташкил этилди.



Фестивалнинг очилиш ма-росимида Маданият қўмитаси раиси Кумис Сейитова иштирок этиб, ҚР Маданият ва ахборот вазири Аида Балаеванинг таб-ригини ўқиб эшиттирди. Шу-нингдек, анжуманда Шимолий Қозоғистон вилояти ҳокими Ғ. Нурмухамбетов ва Қозоғис-тоннинг Меҳнат Қаҳрамони А. Ашимов бошчилигидаги бир гуруҳ театр мутахассислари иштирок этди.

Экспертлар кенгаши қарори билан театр фестивалига 10та

театр танлаб олинди. Улар орасида Туркистон мусикали драма театри Алмас Нусип-нинг “Мағжан” спектакли билан иштирок этди. Спектакллари таниқли театр танқидчилари-дан иборат ҳакамлар ҳайъати баҳолади.

Натижада Елтай роли учун Жандаулет Батай “Иккинчи пландаги энг яхши эркак роли” номинациясида ғолиб бўлди ва спектакль Шимолий Қозоғистон вилояти ҳокимининг махсус му-кофоти билан тақдирланди.

Туркистонда Халқаро “Режиссёр. Драматург. “СТАРТ-2023” режиссёрлик лабораторияси иш бошлади. Унинг очилиш маросимида вилоят маданият ва туризм бошқармаси бошлиғи ўрин-босари Адил Қўнисбеков қатнашиб, иштирокчиларга муваффақиятлар тилади.

– Туркистон шаҳри аслида нафақат қозоқ халқининг, балки туркий оламнинг маданий-маъ-навий марказига айланмоқда. Вилоятда театр соҳасида ҳам ижобий ўзгаришлар кузатил-моқда. Зта касбий театримиз нуфузли танловларда муваф-

фақиятларга эришмоқда. Яқин-да “Кўча театрлари” халқа-ро фестивали ўтди, келаси ойда ҳамкасбимиз Райимбек Сейтметов таваллудининг 85 йиллиги муносабати билан республика театр фестивали ўтади. Бугунги лойиҳа нафақат вилоят, балки мамлакатимизда театр соҳасини ривожланти-ришга ижобий туртки бўлишига ишонаман. Барчангизга му-

ваффақият ва ижодий зафар-лар тилайман! – деди Адил Нуржанули.

Жорий йилда учинчи бор ўтказилаётган “Режиссёр. Дра-матург. “СТАРТ-2023” лойиҳаси ёш режиссёрлар ва драматург-лар ўртасида ижодий алоқа-ларни мустаҳкамлаш, уларнинг замонавий ғоялари ва янгича қарашларини шакллантириш мақсадида уюштирилмоқда.

Шунингдек, лойиҳа доирасида Россиядан таклиф этилган таниқли театр арбоблари мам-лакатимиз театр вакиллари-ни махсус ўқув дастури билан та-ништирди.

Лойиҳани “Современник” театри (Россия)нинг бадий раҳбари ва режиссёри, Моск-ва бадий академик театри профессори Виктор Рижак, таниқли драматург, “Олтин ни-қоё” мукофоти номзоди Ўлжас Жанайдаров бошқаради.

Унинг муаллифи – “Дарын” Давлат ёшлар мукофоти лау-реати, Халқаро “Туркой” таш-килотининг “Туркий оламнинг энг яхши режиссёри” унвони билан тақдирланган, Ғ. Му-сирепов номидаги Қозоғис-тон давлат академик болалар ва ўсмирлар театри бадий раҳбари, «StarDrama» театр лабораторияси асосчиси ва директори, таниқли режиссёр Фархад Мўлдағали.

Тадбир давомида қозоғис-тонлик ёш театр арбоблари: режиссёрлар, актёрлар, театр-шунослар ва театр санъаткор-лари, драматургларнинг ма-лакасини ошириш мақсадида махсус маҳорат сабоқлари, таҳлил-мунозаралар ташкил этилиб, спектакллар намоиш этилади.



РЕСПУБЛИКА БАЛИҚЧИЛИК ФОРУМИ ЎТДИ

САЙРАМ ТУМАНИДАГИ “КҮЛКЕНТ” ДАМ ОЛИШ МАСКАНИДА “БАЛИҚЛАРГА ҲАЁТ БЕР” РЕСПУБЛИКА АНЖУМАНИ ЎТДИ



Тадбирда балиқчилик билан шуғулланаётган 300 нафарга яқин фуқаро ва йирик балиқчилик хўжа-ликлари ҳамда балиқчи-ликни ривожлантиришга ҳисса қўшаётган тадбир-корлар иштирок этди.

Вилоят ҳокимининг ўрин-босари Ермек Кенжеханули тадбир доирасида уюшти-рилган балиқ маҳсулотлари ярмаркаси билан танишди. Ушбу тадбир доирасида ба-лиқ овлаш мусобақаси ўт-казилди. Бундан ташқари, тадбир доирасида вилоят

ҳокимлиги, Алматы вилояти “Балық мектеп” МЧБ, вилоят табиий захиралар ва табиат-ни муҳофаза қилиш бошқар-маси ҳамда вилоятнинг то-вар балиқ етиштирувчилари шафелигида Тулкибош тум-анидаги Састўбе кўлида балиқ овлаш мусобақаси уюшти-рилди. Мазкур тадбирдан кўзланган мақсад – мамла-катимизда балиқчиликни ри-вожлантириш, шу йўналишда янги иш бошлаган тадбиркор-ларни рағбатлантириш, ви-лоятда балиқчилик спортини ривожлантириш эди.

Мусобақада Туркистон ви-лоятининг Жетисай, Сарю-ғоч, Тулкибош Сайрам ту-манлари ҳамда Кўлкент дам олиш масканидан ҳаваскор балиқчилар иштирок этди.

Мусобақа якунларига кўра, рақибларига нисбатан қисқа вақт ичида 3,5 кг. балиқ ов-

эгаллади. Нурдўс Қаринбаев 0,8 кг. балиқ овлаб, учинчи ўринни эгаллади.

Мусобақа якунида ғолиб-лар ташкилотчиларнинг мах-сус диплом ва пул мукофот-лари билан тақдирланди.

Шунингдек, тадбир доира-сида Тулкибош туманидаги



лашга муваффақ бўлган Бек-зат Қипчақбаев ғолиб бўлди ва биринчи ўринни эгаллади. Бекжан Ерменов эса 1 кг. балиқ тутиб, иккинчи ўринни

Састўбе кўли ва Шимкент шаҳри худудидаги Бадам сув омборига 100 минг дона зогорабалиқларни жўнатиш режаланган.



ЕСЖАН АЙНАБЕКОВ ХОТИРАСИГА БАҒИШЛАНДИ

Ўтрор туманида «Отырардың отты перзенті» мавзуида ота-шин журналист, ёзувчи, шоир Есжан Айнабеков хотирасига бағишланган мушоира ўтди.

Кечани ҚР Мажлиси депутаты Қазибек Иса, Қозоғистон Ёзувчи-лар уюммаси Туркистон вилояти филиали раиси Айдар Сейдазим, туман ҳокими ўринбосари Айдўс Қўлмаханули очилди.

Туман Маданият саройида ўтказилган кечада Е. Айнабековнинг “Ёдгорлик” қиссаси асосида саҳналаштирилган спектакль намо-иш этилди. Шоирнинг яқинлари, дўстлари унинг ёрқин сиймоси, бетакрор шахсияти ҳақидаги хотираларини ўртоқлашди.

Мушоира ҳакамлари қарорига кўра, Бақдаулет Анарбайга бош соврин топширилди. Раушан Муратова биринчи, Нурғали Сер-далиев ва Бауржан Ерман иккинчи, Ербўл Садибай ва Асқарбек Сапарбай, Гаухар Жусипалиева учинчи ўринни эгаллади. Бошқа иштирокчиларга “Қазақ үні” газетасининг махсус мукофоти ва рағ-батлантирувчи совғалари топширилди.

»» Обуна-2024

ЭЗГУ ТАШАББУСЛАР ЗАМИРИДА – ЮКСАК МАЪНАВИЯТ



Мана, бир неча йилдирки, “Жанубий Қозоғистон” вилоят-ижтимоий-сиёсий газетасига обуна Туркистон, Кентов шаҳарлари ва Саврон туманида самарали уюштирилмоқда. Бунга асосан, жойлардаги газета жонкуярлари, шунингдек, кенг жамоатчиликнинг саъй-ҳаракатлари туфайли эришилмоқда.

Бундай тажрибани вилоятимизнинг бошқа шаҳар ва туманларида ҳам жорий этишга қарор қилдик. Дарҳақиқат, унинг самаралигига Сайрам туманининг қадим Қорамурт қишлоғидаги таълим масканларига обуна масаласида таширфимиз чоғида амин бўлдик. Айниқса, 6-сонли, 37-сонли мактаблар, 1-сонли мактаб-гимназия, 56-сонли Ю. Гагарин, 57-сонли Панфилов номи мактаблар раҳбарлари ҳамда жамоа аъзолари билан учрашувларимиз қизғин кечди.

Дастлабки манзил – 1-сонли мактаб-гимназия директори Тоҳир Дўсматов билан мулоқотда ушбу муассасада

обуначиларимиз сони 40тага етганидан мамнун бўлдик. 37-сонли мактаб директори Ойбек Тойжонов Сайрам туман таълим бўлими шафелигида қишлоқдаги олти таълим масканининг 5-6-синф ўқувчилари ўртасида ўтаётган мусобақаларга тўхталди. Ушбу мактаб кутубхоначиси Гулмира Тўйчиева обуначилар сонини 50 нафарга етказишга ваъда берди. 57-сонли Панфилов номи мактаб директори Ғофур Зоиров ҳам мазкур даргоҳда муштарийларимиз қўлигини таъкидлади. 6-сонли мактаб директори вазифасини вақтинча бажарувчи Замира Солихўжаева газетага обуна бўлган жамоа аъзолари 60 на-

фар ошгани ва бизни келгусида ҳам қўллаб-қувватлашини маълум қилди.

“Вундеркинд”, “Нўрлы жол” хусусий мактабларининг раҳбарлари А. Жамолова ҳамда К. Ашраповлар ҳам обунага имкон қадар ҳисса қўшишларини билдиришди.

Фурсатдан фойдаланиб, Қорамурт қишлоғида обуна мавсумини ташкил этишда жонбозлик кўрсатган таниқли устоз-мураббийлар, меҳнат фахрийлари Ҳасан ва Хусан Дўсметовларга алоҳида миннатдорчилик билдираимиз.

Қорамуртликларнинг обуна мавсумини ҳар йилдагидек уюшқоқли ўтказиб, ўзбекзабон нашр ададини кўпайтиришга салмоқли ҳисса қўшишларига ишонамиз.

3. МҮМИНЖОНОВ.

Тасвирда: 37-сонли мактаб жамоаси билан мулоқот.

»» 20 октябрь – Одил Ёқубов таваллуд топган кун



Қарноқ қишлоғида 1926 йили 20 октябрда туғилган атоқли адиб Одил Ёқубов ҳаёт бўлганида 97 ёшга тўларди.

Китоблари 5 млн.дан зиёд нусхада жаҳоннинг 50дан зиёд тилларида нашр қилинган. Атоқли адиб Тошкент Давлат Университетининг рус тили филологияси куллиятида олий таълим олганлиги, теран қобилияти сабаб Совет Иттифоқида йирик нусхада чоп этиладиган “Литературная газета”сининг Марказий Осиёдаги махсус мухбири бўлиб ишлаган.

Ўша даврда қадрдон қишлоғига сув муаммосини ҳал қилишда катта ёрдам кўрсатган. Хусусан, сув танқислиги сабаб ҳамқишлоқ деҳқонлар мурожаатига жавобан Москвадаги сув ҳўжалигига масъул Иттифокдош вазирлик орқали Қарноқ қишлоғида улкан сув омбори қурилиши бошланишига улкан ҳисса қўшди. Бу – улкан оламшумул тарихий иш эди. Одил Ёқубов ёрдамида барпо этилган Ирмоқ сув ўзани омбори бугунги кунда ҳам

ЭЛНИНГ БУЮК ВА СУЮК ЁЗУВЧИСИ ЭДИ



минглаб гектар далани оби-ҳаёт билан таъминламоқда. Биз, кейинги авлод вакиллари адибнинг ушбу ҳолис ёрдами ҳақида яхши билмоғимиз даркор. О. Ёқубов Ўзбекистон Ёзувчилар уюшмаси раиси, СССР Ёзувчилар Уюшмаси котиби бўлиб ҳам самарали фаолият юритди. Марказий Осиё Маданияти Ассамблеяси раиси, ёзувчи Чингиз Айтматовнинг биринчи ўринбосари сифатида СССР халқ депутати

этиб сайланганида ҳамкасби, таниқли шоир Мухтар Шаханов билан биргаликда 1986 йилги декабрь воқеаларига ҳолис баҳо берилишига эришганлиги, ҳамда пахтакор деҳқонларни иқтисодий жиҳатдан қўллаб-қувватлаш масаласини дадил кўтарганлиги ҳам таҳсинга сазовор.

Р. МАДАЛИЕВ.

Тасвирда: адиб ва жамоат арбоби Одил Ёқубов; адиблар Чингиз Айтматов, Одил Ёқубов ва Мухтар Шаханов.

P.S. 2009 йили оламдан ўтган элнинг буюк ва суюқ ёзувчисининг номини абадийлаштириш ҳаракати давом этмоқда. “Жанубий Қозоғистон” газетаси таҳририяти кўмағи билан Қозоғистон Ёзувчилар Уюшмаси котиби, ёзувчи Қўлбек Бргўбек, вилоят оқсоқоллар кенгаши аъзоси Тўлқин Саидмуродов, Кентов шаҳар маслаҳати депутати Бекзод Ҳабیبовлар Кентов шаҳар ҳокими Жандўс Тасовга ёзма мурожаат қилишди. Ҳоким, шаҳар маслаҳати раиси Бағлан Елеусизов ҳам таклифни қизғин қўллашди. Қарноқ қишлоғида яқинда фойдаланишга топширилган янги 500 ўринли замонавий мактабга О. Ёқубов номи бериладиган кунлар узоқ эмас. Ўтганларнинг охирати обод бўлсин!

»» Обуначиларимиз орасида

“МЕРИДИАН” МЕҲМОНХОНАСИ ҚУЧОҚ ОЧДИ

Доимий жамоатчи обуначимиз Мирзахон Акешов билан мулоқот чоғида хушxabардан воқиф бўлдик. Туркистон шаҳри марказидаги Д. Қўнаев ва Н. Тўрекулов кўчалари чорраҳасида суҳбатдошимизнинг тадбиркор фарзандлари кўп қаватли замонавий бинони барпо этиб, фойдаланишга топширишди.



Аҳолига хизмат кўрсатиш, озиқ-овқат маркетинги сервис хизматлари баробарида бинонинг юқори қаватлари Туркистонга зиёратга келаётган туристлар учун мўлжалланган. Зеро, давлатимиз режасига кўра йил сайин халқаро сайёҳлик пойтахтига айланган шаҳримизга зиёратга келаётганлар сони кўпаймоқда.

– Умр йўлдошим билан Маккага – муборак ҳаж сафарига борганимизда “Меридиан” меҳмонхонасига жойлашган эдик. Мана, ниятларимиз ижобат бўлиб, Туркистон шаҳрида айнан шундай замонавий бинони барпо

эдик. Шукроналар айтаман. Шубҳасиз, янги иш ўринлари яратилади, – деди Мирзахон Маҳкамбой ўғли суҳбат чоғида.

Мирзахон ака умр йўлдоши Назира Райим қизи билан қобил фарзандлар тарбиялаб, невара, эвара кўрган пири бадавлат оила соҳиби. Тўнғичи Мадина – А. Яссавий номидаги Халқаро қозоқ-турк университетини тамомлаб, фан доктори даражасига эришган иқтидорли олима. Насиба ҳам шу олийгоҳни тамомлаб, талабаларга дарс бермоқда. Ўғиллари Отабек ва Бобир тадбиркорлик билан шуғулланиб, жами 30дан

зиёд янги иш ўринларини яратишган.

Жорий йил апрель ойида Мирзахон ака вилоят марказида зиёратчилар учун ўнлаб замонавий бинолардан иборат шаҳарча барпо этган таниқли тадбиркор укаси Ғайрат Маҳкамбой ўғлининг VERSAL тўйхонасида ўтган

олтмиш йиллик таваллуд айёмида (биринчи тасвирда) сузлаган табрик нутқи ёдимда муҳрланиб қолган.

Яъни, Мустақилликнинг илк йиллари ака-ука Акешовлар синовлардан суринмай, қийинчиликни енгиб, меҳнат қилганлари, А. Яссавий номидаги халқаро университет ўқув бинолари қурилишига муносиб ҳисса қўшганлари бугунги кунда шонли тарих. Утган йиллар давомида минглаб йигит-қизлар шу дорилфунунда олий маълумот олишди.

Туркистон шаҳар ўзбек этномаданият бирлашмаси раиси Баҳодир Ирисметов Мирзахон ва Ғайрат Маҳкамбой ўғилларига Ҳамза номи мактабнинг 105 йиллик юбилейи юксак савияда ўтишига кўрсатган ҳомилийк ўҳиммати учун самимий миннатдорчилик билдиради.

Ш. МАДАЛИЕВ.

Тасвирларда: тадбирдан лавҳалар.

Муаллиф суратга олган.

P.S. “Жанубий Қозоғистон” газетаси таҳририяти жонкуяр жамоатчи обуначимиз, фахрий темирўйли, собиқ депутат, Туркистон вилоятининг ибратли фуқароси, “Халқ эҳтироми” кўкрак нишонини соҳиби Мирзахон Маҳкамбой ўғлини таваллуд айёми билан муборакбод этиб, мустаҳкам саломатлик, бахт-саодат, эл-юртга ҳолис хизмат йўлида янги зафарлар ҳамроҳ бўлишини тилайди.

Директор – Бош муҳаррир
Райимжон Ортиқбой ўғли
АЛИБОВЕВ.

Бош муҳаррир ўринбосарлари:
Муроджон АБУБАКИРОВ.
Авазхон БҮРОНБОВЕВ.

Масъул котиба – Шаҳноза УСМОНОВА.

Масъул шахслар:

Туркистон, Саврон – Шомирза МАДАЛИЕВ. 8(72533) 2-40-07.
Кентов, Сўзоқ – Рўзиохун МАДАЛИЕВ. +7708-824-20-97.
Тўлебўй – Баҳорой ДЎСМАТОВА. 8(72547) 6-07-16.
Қазигурт – Хуршид ҚУЧҚОРОВ. +7701-447-37-42.
Сайрам – Зокиржон МҮМИНЖОНОВ. +7702-278-96-90
Тўлкибош – Мунира САЪДУЛЛАЕВА. +7747-144-60-71.

Қозоғистон Республикасида тарқатилади.

Муассис – Туркистон вилояти ҳокимлиги.
Мулк эгаси – «Жанубий Қозоғистон» вилоят ижтимоий-сиёсий газетаси таҳририяти» масъулияти чекланган биродарлиги.

● Мақолалар, эълон ва билдирувлардаги факт ҳамда далилларини тўғрилиқ учун муаллифлар, реклама ва эълон берувчилар масъулдир.
● Фойдаланилмаган мақолаларга ёзма жавоб қайтарилмайди.

Газета ҚР Маданият ва ахборот вазирлиги томонидан 2020 йил 21 апрелда рўйхатга олинди. КЗ34VPY00022503 гувоҳнома берилган.

«ERNUR-print» МЧБ босмахонасида чоп этилди, Шимкент шаҳри, Т. Алимқулов кўчаси, 22.

МАНЗИЛИМИЗ:
160000, Шимкент шаҳри,
Тауке хан шоҳқўчаси,
6-уй, 3-қават.
Телефон: 53-07-10. Телефакс: 53-04-66.
Электрон почта: janubiy@inbox.ru

Нашр кўрсаткичи – 55466. Адади – 12100 нуска.
Бюджет: 2566. Навбатчи муҳаррир: Малика ЭЛТОВА.